



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

5774

3353



3353

Հասարակութեան Զ. Գրեգորեանցի

157
110
4396

ԴԱՍԱՏԵՏՐ

Ա Ղ Օ Ք Ի Յ

Ի Պ Ե Տ Ս

Դ Գ Ր Ո Յ Ա Յ Ա Ջ Գ Ի Ս

ԱՇԽԱՏԱՍԻՐԵԱՆ

Ն. ՏԵՐ-ՅԱԿՈԲԵԱՆ

Զորքորդ տպագրութիւն:



ՏՓԻՒՍ

ՏՊԱՐԱՆ ՀՈԳՀԱՆՆԵԹ ՄԱՐՏԻՐՈՍԵԱՆՏԻ

1882

14396

Հրատարակութիւն Զ. Գրեգորեանցի:

ԴԱՍԱՏԵՏՐ

1111

15

Ա Ղ Օ Թ Ի Յ

Ի Պ Է Տ Ս

Դ Գ Ր Ո Յ Ա Յ Ա Ջ Գ Ի Ս

5774

ԱՇԽԱՏԱՍԻՐԵԱՅ

Ն. ՏԵՐ-ՅԱԿՈԲԵԱՆ

Զորքորդ տպագրութիւն:



ՏՓԻՒՍ

ՏՊԱՐԱՆ ՀՈՒՀԱՆԵՆԷՍ ՄԱՐՏԻՐՈՍԵԱՆՅԻ

1882

1881

1881

1881



Ս. ԷԶՄՐԱԸՆԻ ՄԱՏԵՆԱԳՐԱԲԵՆԻՆ
 Համաձայն կտակի վաղաթառամ զոկտոր
 աստուածաբանութեան Սրշակ Տէր-
 Միքելեանի նուիրում է նրա եղբայր
 Սեդրակ Տէր-Միքելեանը.
 №

Յանուն Հօր և Որդւոյ և Հոգւոյն սրբոյ:
 Տէր, եթէ զըթունս իմ բանաս, բերան
 իմ երգեսցէ զօրհնութիւնս քո:
 Օրհնեալ Համազոյ և միասնական անբաժա-
 նելի սուրբ Երրորդութիւն՝ Հայր և Որդի և
 Հոգի սուրբ. այժմ և միշտ և յաւիտեանս յա-
 շիտենից. ամէն:

ՏԵՐՈՒՆԱԿԱՆ ԱԳՕԹՔ

Հայր մեր՝ որ յերկինս ես, սուրբ եղեցի
 անուն քո. եկեսցէ արքայութիւն քո. եղեցին
 կամք քո որպէս յերկինս և յերկրի: Զհայ մեր
 հանապազօրդ առնր մեզ այսօր. և թող մեզ
 զպարտիս մեր, որպէս և մեք թողումք մերոց
 պարտապանաց, և մի՛ տանիր զմեզ ի փորձու-
 թիւն. այլ փրկեա՛ զմեզ ի չարէ: Զի քո է ար-
 քայութիւն և զօրութիւն և փառք յաւի-
 տեանս. ամէն:

Дозволено Цензурою. Тифлисъ, 12 Октября 1881 г.
 Типография И. Мартиросянца, Орбелиан. ул., 5

ՄԱՂԹԱՆՔ ԱՌ ՏԻՐԱՄԱՅՐ ՍՈՒՐԲ ԿՈՅՆ:

Անկանիմք առաջի քո սուրբ Աստուածածին,
և աղաչեմք զանարատ զկոյսդ՝ բարեխօսեա վասն
անձանց մերոց. և աղաչեան զմիածին որդիդ՝
փրկել զմեզ ՚ի փորձութենէ և յամենայն վը-
տանգից մերոց:

ՔԱՐՈՉ ԱՍՏՈՒԱԾԱԾՆԻ ԵՒ ԱՄԵՆԱՅՆ ՍՐԲՈՅ:

Սուրբ զԱստուածածինն և զամենայն սուրբս
բարեխօս արասցուք առ Հայր ՚ի յերկինս. զի
կամեցեալ ողորմեցի, և զթացեալ կեցուցէ
զարարածս իւր: Ամենակալ Տէր Աստուած մեր՝
կեցո՛ և ողորմեա՛:

ՄԱՂԹԱՆՔ ԱՌ ՓՐԿԻՉՆ ՄԵՐ ՔՐԻՍՏՈՍ:

Խաչ քո եղիցի մեզ ապաւէն՝ Տէր Յիսուս,
յորժամ երևիս փառօք Հօր ընդ ամիս լուսա-
ւորս: Յայնժամ՝ մեր մի՛ ամաչեսցուք յուսա-
ցեալքս ՚ի քեզ, այլ զօրութեամբ քոյ՝ մեծա-
բերկրեսցուք ընդաջմէ քումմէ՝ որպէս զորդիս
լուսոյ և որդիս աւնջեան:

ՔԱՐՈՉ ԽԱԶԻ:

Սուրբ խաչիւս աղաչեսցուք զՏէր, զի սովա-
ւորեցէ զմեզ ՚ի մեղաց, և կեցուցէ Հնորհիւ
ողորմութեան իւրոյ: Ամենակալ Տէր Աստուած
մեր, կեցո՛ և ողորմեա՛:

ԱՂՕԹՔ ԱՌ ՓՐԿԻՉՆ ՄԵՐ ՔՐԻՍՏՈՍ:

Պահպանեան զմեզ Քրիստոս Աստուած մեր
ընդ հովանեալ սուրբ և պատուական խաչի քո
՚ի խաղաղութեան. փրկեան յերևելի և յաներև-
ւոյթ թշնամոյն: Արժանաւորեա զոհութեամբ
փառաւորե՛ զքեզ ընդ Հօր և ընդ սրբոյ Հօղ-
ւոյդ. այժմ՝ և միշտ և յաւիտեանս յաւիտենից
ամէն:

Ե Ր Գ:

Սուրբ Աստուած, սուրբ և հղօր, սուրբ և
անմահ, որ խաչեցար վասն մեր. ողորմեա՛ մեզ:
Փառաւորեալ և օրհնեալ միշտ սուրբ կոյս Մա-
րիամ Աստուածածին՝ մայր Քրիստոսի, մատո՛
զաղաչանս մեր որդւոյ քո և Աստուծոյ մերոյ:

ԺԱՄԱՄՈՒՏԲ: 1 ԾՆՆԳԵԱՆ:

Աղաչեմք զքեզ սուրբ կոյս Մարիամ Աստուածածին՝ բարձրելոյն զօրութեամբն հովանաւորեալ, և սուրբ Հոգւոյն եկաւորութեամբն լուսաւորեալ, որ զամենայն գոյութեանց ստեղծիչն յղացեալ ծնար անձնաւպէս, մարմնացելոյն առ ի քէն բարեխօսեան կեցուցանել զանձինս մեր:

Աստուածածին անհարսնացեալ՝ զբանն անսկիզբն յղացար, և զԱստուածն անիմանալի ծնար, զանպարագրելին ՚ի զիրկս քօ բարձեր, նմա անդադար բարեխօսեան վասն անձանց մերոց:

Առաջի պատուական ամենայաղթ խաչի քօ անկանիմք երկրպագանելով, և ինդրեմք զթողութիւն յանցանաց մերոց. քանզի սովաւ բարձեր զլատապարտութիւն ազգի մարդկան: Նւ այժմ վասն սրբոյ Աստուածային քօ նշանի շնորհեան զերկնային զխաղաղութիւնդ ամենայն աշխարհի:

3. ՅԱՐՈՒԹԻՒՆ:

Քրիստոս յարեալ ՚ի մեռելոց, մահուամբ զմահ կոխեաց, և յարութեամբն իւրով մեզ

կեանս պարգեւեաց. նմա փառք յաւիտեանս ամէն:

4. ՀՍՄԲԱՐՁՄԱՆ:

Հիացան վերնական բազմութիւնքն տեսանելով զքեզ ՚ի հրեղէն կառս բազմեալ. սարսեալ ասէին. ո՞վ է սա որ զիմեալ զայ յեղօմայ. և կկեալ մտանէ փառօք ՚ի փառս. Տէր փառք քեզ:

5. ՀՈԳԵԳԱԼՍՏԵԱՆ:

Աստուած զքեզ խոստովանիմք զսուրբ Հոգիդ՝ և երկիրպագանեմք, որ ևս պատճառ կենդանութեան եղելոցս և խաղաղարար աշխարհի. որ զտղիտութիւն աշակերտայն բազում զիտութեամբ լցիր, և ՚ի հրեղէն լեզուս բաժանեալ անձառելօք ցուցար նոցա. աղաղակեմք՝ Տէր խնայեան և կեցօ զմեզ:

6. ԿԻՒՐԱԿԻ:

Միածին Որդի և բանդ Աստուած և անմահ էութիւն, որ յանձն առեր մարմնանալ ՚ի սրբու-

հւոյ Աստուածածնէն և ՚ի միշտ կուսէն. անփոխելիք մարդ եղեալ խաչեցար Քրիստոս Աստուած մեր. մահուամբ զմահ կոխեցեր մինդ ՚ի սրբոյ երրորդութենէն փառաւորակից ընդ Հօր և սրբոյ Հոգւոյ. կեցո՞ զմեզ:

Մ. ԼՈՒՍԱՒՈՐՉԻՆ:

Քրիզոստոմ սուրբ Քահանայապետ՝ որ զհաւատս ուսուցեր, և զբանակս զիւացն հալածեցեր. մարդկանց ուսուցեր քարոզել զերրորդութիւնն, պսակեցար յարքայութեանն. արդ բարեխոս լեր առ Տէր վանն մեր:

ՔԱՐՈՉ ԱՌԱՔԵԼՈՅ ԵՒ ՄԱՐՏԻՐՈՍԱՅ:

Սուրբ ճգնաւորօքն աղաչեսցուք զՏէր, որք զչարսն պարտեցին, նեղութեանցն համբերեցին, լուսեղէն և երկնային անթաւամ պսակացն արժանի եղին: Աղօթիւք նոցա և բարեխօսութեամբ մեզ ողորմեսցի: Ամենակալ Տէր Աստուած մեր՝ կեցո՞ և ողորմեն:

ԱՂՈԹՔ ԵԿԵՂԵՅԻՈՅ:

Ի մէջ տաճարիս, և առաջի Աստուած ընկալ և պայծառացեալ սուրբ նշանացս և սուրբ սեղանոյս խոնարհեալ երկիւղելու երկիրպագանեմք. զսուրբ՝ զհրաշալի և զյաղթուղ զյարութիւնդ քո փառաւորեմք, և քեզ մատուցանեմք զօրհնութիւն և զփառս ընդ Հօր և ընդ սրբոյ Հոգւոյդ. այժմ և միշտ և յաւիտենս յաւիտենից ամէն:

ՔԱՐՈՉ ԵԿԵՂԵՅԻՈՅ:

Սուրբ եկեղեցեաւս աղաչեսցուք զՏէր. զի սովաւ փրկեսցէ զմեզ ՚ի մեղաց և կեցուսցէ շնորհիւ ողորմութեան իւրոյ: Ամենակալ Տէր Աստուած մեր, կեցո՞ և ողորմեն:

ՔԱՐՈՉ ԿԻՐԱԿԵԻՅ ԵՒ ԱՅԼՈՅ ՏԷՐՈՒՆԱԿԱՆ ՏՕՆԻՅ:

Խնդրեսցուք հաւատով միաբանութեամբ ՚ի Տեառնէ, զի զողորմութեան զշնորհս իւր արասցէ ՚ի վերայ մեր, Տէրն ամենակալ կեցուսցէ և ողորմեսցի:

ԱՂՕԹՔ ԶԱՆԱՊԱՐՀԻ

Տէր ուղղեալ գրնացս մեր 'ի ճանապարհս խաղաղութեան. Տէր ուղղեալ և առաջնորդեալ հոգւոց մերոց և ամենայն հաւատացելոց՝ գնալ յարդարութեան ճանապարհս և 'ի կեանսդ յաւիտենից:

Առաջնորդ կենաց և պարգևիչ խաղաղութեան Քրիստոս Աստուած մեր, առաջնորդեալ մեզ գնալ 'ի ճանապարհս քո արդարութեամբ, և խաղաղութեամբ ժամանել 'ի նաւահանգիսան կենաց և փրկութեան՝ շնորհօք ողորմութեան քո: Զի դու ես օգնական և փրկիչ մեր, և քեզ վայելչ փառք իշխանութիւն և պատիւ. այժմ և միշտ և յաւիտեանս յաւիտենից ամէն:

ՕՐՀՆՈՒԹԻՒՆ ՍԵՂԱՆՈՅ:

Աչք ամենեցուն 'ի քեզ Տէր յուսան. և դու տաս կերակուր նոցա 'ի ժամու: Բանաս գձեան քո, և լցուցանես զամենեւեան քաղցրութեամբ կամօք քովք:

ԳՈՀՈՒԹԻՒՆ ՀԵՏ ՅԱՌՆԵԼՈՅ Ի ՍԵՂԱՆՈՅՆ:

Փառք քեզ Տէր՝ փառք քեզ թաղաւոր փառաց, որ ետուր մեզ կերակուր ուրախութեան. և լցուցեր զսիրտս մեր 'ի լիութենէ ամենաբաւական ողորմութեան քո. լը՛ս և զմեզ հոգւով քով սրբով. որպէս զե գացուք առաջն քո հաճոյք, և մի՛ ամաչեցեալք. զե դու զաս և հասուցանես իւրաքանչիւր ըստ գործս իւր:

ԳՈՀՈՒԹԻՒՆ ԶԿՆԻ ՍՐԲՈՅ ՀԱՂՈՐԳՈՒԹԵԱՆ:

Լցաք 'ի բարութեանց քոց Տէր՝ ճաշակելով զմարմին քո և զարիւն. փառք 'ի բարձունս կերակրողիդ զմեզ: Որ հանապաղ կերակրես զմեզ. առաքեալ 'ի մեզ զհոգեւոր քո գորհնութիւն. փառք 'ի բարձունս կերակրողիդ զմեզ:

ՀԱՆԳԱՆԱԿ ՆԻԿԻԱԿԱՆ

Հաւատամք 'ի մի Աստուած՝ Հայր ամենակալ՝ յորարիչն երկնի և երկրի, երևելեաց և աներևութից, եւ 'ի մի տէր Յիսուս Քրիստոս յՈրդին Աստուծոյ, ծնեալն յԱստուծոյ Հօրէ միաձին, այսինքն յէութենէ Հօր, Աստուած յԱս-

սուծոյ լոյս ՚ի լուսոյ, Աստուած ճշմարիտ՝ յԱստուծոյ ճշմարիտէ՝ ծնունդ, և ոչ արարած: Նոյն ինքն ՚ի բնութենէ Հօր. որով ամենայն ինչ եղև յերկինս և ՚ի վերայ երկրի, երևելիք և աներևոյթք: Որ յաղաքս մեր մարդկան՝ և վասն մերոյ փրկութեան, իջեալ յերկնից մարմնացաւ, մարդացաւ, ծնաւ կատարելագէս ՚ի Յարիամոյ սրբոյ կուսէն՝ Հոգւովն սրբով: Որով էաս մարմին, Հոգի և միտք, և զամենայն որ ինչ է ՚ի մարդ, ճշմարտագէս՝ և ոչ կարծեօք: Չարչարեալ՝ խաչեալ՝ թաղեալ՝ յերրորդ աւուր յարուցեալ. ելեալ յերկինս նովին մարմնով՝ նստաւ ընդ աջմէ Հօր: Գալոյ է նովին մարմնովն և փառօք Հօր, դատել զկենդանիս և զմեռեալս: Որոյ թագաւորութեան ոչ զօ վախճան: Հաւատամք և ՚ի սուրբ Հոգին յանդն և ՚ի կատարեալն: Որ խօսեցաւ յօրէնս և ՚ի մարգարէս և յաւետարանս: Որ էջն ՚ի Յորդանան, քարողեաց զառաքեալն. և բնակեցաւ ՚ի սուրբն: Հաւատամք և ՚ի մի միայն ընդհանրական և առաքելական եկեղեցի: ՚Ի մի մկրտութիւն յապաշխարութիւն. ՚ի քաւութիւն և ՚ի թո-

ղութիւն մեղաց: ՚Ի յարութիւն մեռելոց, ՚ի դատաստանն յաւիտենից Հոգւոց և մարմնոց. յարքայութիւնն երկնից, և ՚ի կեանս յաւիտենականս:

Իսկ որք ասնն, էր երբեմն՝ յորժամ ոչ էր Որդի. կամ էր երբեմն՝ յորժամ ոչ էր սուրբ Հոգին. կամ թէ յուէից եղնն, կամ յայլմէ էութենէ ասնն լինել զՈրդին Աստուծոյ և կամ զսուրբ Հոգին. և թէ՛ փոփոխելի են կամ այլայլելի, զայնպիսիսն նզովէ կաթուղիկէ և առաքելական սուրբ եկեղեցի:

Իսկ մեք փառաւորեսցուք որ յառաջ քան զյաւիտեանս, երկիրպագանելոյ սրբոյ Երրորդութեանն՝ և միոյ Աստուածութեանն, Հօր և Որդւոյ և Հոգւոյն սրբոյ. այժմ և միշտ և յաւիտեանս յաւիտենից. ամէն:

ԱՌԱՒՕՏԵԱՆ ԱՂՕԹՔ:

Գոհանամք զբէն Տէր Աստուած մեր, որ զարթուցեր զմեզ ՚ի հանգստենէ բնոյ շնորհւողորմութեան քօ: Չարթո՞ զմիաս մեր արգա-

րութեամբ առ քեզ Տէր Աստուած մեր զի տեսցեն աչք մեր զիրկութիւն քո: Եկեացէ և բնակեացի առ մեզ Աստուածութիւն քո. և ողորմութիւն քո հովանի և պահպան լինի ՚ի վերայ պաշտօնէից քոց: Եւ զմեզ զճառայս քո արժանի արա ՚ի տուէ և ՚ի գիշերի և յամենայն ժամու միշտ խորհիլ ՚ի սէր պատուիրանաց քոց. և զոհանալով փառաւորել զչայր և զՈրդի և զսուրբ Հոգիդ. այժմ և միշտ և յաւիտեանս յաւիտենից. ամէն:

Զքէն զոհանամք Տէր Աստուած մեր, որ շնորհեցեր մեզ հանգիստ քնոյ խաղաղութեամբ: Եւ զարթուցեալ ժամանեցուցեր զմեզ կանխել յերկրպագութիւն ահաւոր և փառաւորեալ անուանդ քում սրբոյ: Տուր մեզ Տէր՝ աղաչեմք զքեզ զմնացուած գիշերիս խաղաղութեամբ անցուցաներ. և զամենայն ժամանակս կենաց պանդրխտութեան մերոյ երկիւղեզ քո ամրացո՛ւ և պահես: Արպէս զի զգուշութեամբ և անարատ վարուք կրօնաւորեալք յայսմ աշխարհիս՝ ժա-

մանեցուք յանքոյթ և ՚ի խաղաղ նաւահանս զիստ յաւիտենական ՚ի կեանսդ, շնորհօք և մարգասիրութեամբ Տեառն մերոյ և փրկչին Յիսուսի Քրիստոսի. ընդ որում քեզ Հօր՝ և Հօգուոյ սրբոյ վայելէ փառք՝ իշխանութիւն և պատիւ, այժմ և միշտ և յաւիտեանս:

Գոհանամք զքէն Տէր Աստուած մեր, որ երևելի լուսով քով զուարճուցեր զամենայն արարածս քո. իսկ իմանալի լուսով պատուիրանաց քոց զամենեսան լուսաւորեցեր՝ զհաւատացեալս ՚ի քեզ: Զօրացո՛ւ և զմեզ Տէր ՚ի պահպանութիւն պատուիրանաց քոց՝ ՚ի տունջեանս յայսմիկ և յամենայն ժամանակի: Արպէս զի լուսաւորեալ մտօք՝ միշտ զհաճոյս քո արասցուք, և հանդերձեալ բարեացդ հասցուք ընդ ամենայն ուրբս քո: Ենորհօք և մարգասիրութեամբ Տեառն մերոյ և փրկչին Յիսուսի Քրիստոսի. որում վայելէ փառք իշխանութիւն և պատիւ. այժմ և միշտ:

Երկրպագեմք քեզ Տէր Աստուած մեր՝ ան-

ցեալքս ընդ երկարութիւն գիշերիս, և կան-
խեալքս ՚ի տեղոջ խոստովանութեան մատու-
ցանեմք զառաւօտու աղօթս մեր:

Ձքեղ Տէր օրհնեմք և փառաւորեմք, և
զքէն Տէր գոհանամք. որ արժանի արարեր
զգիշերս խաղաղութեամբ անցուցանել, և հա-
սանել ՚ի ժամ առաւօտու: Արժանաւորեան զմեզ
Տէր անձառ խոսամանց քոց, զոր խոսացար
սիրելեաց քոց Ճշմարիտ Աստուած՝ Յիսուս
Քրիստոս Տէր մեր. կեցո՛ւ և ողորմես:

Լցաք առաւօտու ողորմութեամբ քով-
ցնծացաք և ուրախ եղաք զամենայն աւուրս
կենաց մերոց:

Ուրախ եղաք փոխանակ աւուրցն՝ յորս խո-
նարհ արարեր զմեզ. և ամացն՝ յորս տեսաք
զչարչարանս:

Հայեաց Տէր ՚ի ծառայս քո՛ւ և ՚ի գործս
ձեռաց քոց. և առաջնորդեան որդւոց նոցա.
եղիցի լոյս Տեառն Աստուծոյ ՚ի վերայ մեր:

Չգործս ձեռաց մերոց ուղիղ արա ՚ի մեզ
Տէր, և զգործս ձեռաց մերոց յաջողեան մեզ:

Լուսովք քո Քրիստոս՝ ամենեքեան լուսաւո-
րեցաք, և ՚ի սուրբ խաչ քո փրկիչ հաւատա-
ցեալքս ապաւինեցաք: Լուր մեզ Աստուած
փրկիչ մեր, տուր մեզ զխաղաղութիւն քո. և
արն առ մեզ զողորմութիւն քո մարդասէր Տէր:

5775

Չառաւօտու զաղօթս և զբանաւոր պաշ-
տօնս ընկալ ամենակալ ամենամեծդ Աստուած
՚ի քո անապական և յերկնային խորանոց: Ծա-
ղեան առ մեզ զարդարութեան և զմաստու-
թեան զլոյս քո. արն զմեզ որդիս լուսոյ և որ-
դիս առնջեան, որպէս զե ՚ի գալ աւուրս եր-
կիւղածութեամբ վարեսցուք զկեանս մեր, և ա-
ռանց գայթակղութեան կատարեսցուք: Զի դու
ես օգնական և փրկիչ մեր. և քեզ վայելի
փառք իշխանութիւն և պատիւ. այժմ և միշտ
և յաւիտեանս յաւիտենից. ամէն:



Յիշեան Տէր զպաշտօնեայս քո, զճնօղսն մեր,
զվարդապետս, զեղբարս, զընկերս, զկերակրիչս,

զուխտաւորս, զճանապարհորդս, զհանգուցիչս,
զվաստակաւորս, զխոստովանողս, զապաշխարողս,
զգերիս, զհիւանդս, զնեղեալս, զեշխանս զչա-
րաչարս, զբարերարս. զթշնամիս, զատելիս, և
որք պատուիրեցին մեզ հաւատով:

ԱՂՕԹՔ ՄԱՆԱՍԷԻ ԹԱԳԱՒՈՐԻՆ:

Տէր ամենակալ Աստուած Աբրահամու՝ Իսա-
հակայ՝ Յակոբայ՝ և զաւակի նոցա արպարոց.
ամենակալ Տէր՝ թող զմեզս իմ:

Որ արարեր զերկինս և զերկիր՝ և զամե-
նայն զարդ նոցա. ամենակալ Տէր՝ թող զմես իմ:

Որ կապեցեր զծով բանիւ հրամանի քոյ.
փակեցեր զխորս. կնքեցեր ահաւոր և փառա-
ւորեալ անուամբ քով սրբով. ամենակալ Տէր
թող զմեզս իմ:

Որ ամենայն ինչ սարսի և գողայ յերեսաց
ահի զօրութեան քո. և սաստիկ է բարկութիւն
սպառնալեաց քոց ՚ի վերայ մեղաւորաց. անչափ
և անքնին են ողորմութիւնք աւետեաց քոց.
ամենակալ Տէր՝ թող զմեզս իմ:

Իու Տէր բարձրեալ՝ զթած երկայնամիտ,
բազումողորմ. և զղջանաս ՚ի վերայ չարեաց
մարդկան. ամենակալ Տէր՝ թող զմեզս իմ:

Իու Աստուած՝ ոչ եղեր ապաշխարութիւն
վասն արդարոցն Աբրահամու՝ Իսահակայ՝ և Յա-
կոբայ, որք ոչ մեղան քեզ. ամենակալ Տէր՝
թող զմեզս իմ:

Այլ եղեր ապաշխարութիւն վասն իմ մե-
ղաւորիս. զի մեղայ աւելի քան զաւագ ծովու.
և բողմացան անօրէնութիւնք իմ. ամենակալ
Տէր՝ թող զմեզս իմ:

Չեմ արժանի հայիլ և տեսանել զբարձրու-
թիւնս երկնից ՚ի բազմութենէ անօրէնութեան
իմոյ. ամենակալ Տէր՝ թող զմես իմ:

Կորացեալ եմ ես ՚ի բռնութենէ կապանաց
երկաթից. և ոչ գոյ ինձ հանգիստ. ամենակալ
Տէր՝ թող զմեզս իմ:

Բարձրացուցի զսրտմտութիւնս, և զչաբ ա-
ռաջի քո արարի. կանգնեցի պատկեր՝ և բազ-
մացուցի զցատումն, ամենակալ Տէր թող զմեզս
իմ:

Եւ արդ՝ Տէր, խոնարհեցուցանեմ զծունր

սրտի իմոյ, և հայցեմ ՚ի քաղցրութենէ քումմէ,
ամենակալ Տէր՝ թող զմեզս իմ:

Մեղայ Տէր՝ մեղայ, և զանօրէնութիւնս իմ ես
ինձէն գիտեմ: ամենակալ Տէր՝ թող զմեզս իմ:

Աղաչեմ և խնդրեմ ՚ի քէն թող ինձ Տէր,
թող ինձ, և մի կորուսանէր զիս ըստ անօրէնու-
թեան իմոյ. ամենակալ Տէր թող զմեզս իմ:

Մի՛ յաւիտեան բարկանար ինձ Տէր, և մի՛
յիշեր զչարիսն իմ, և մի՛ պարտաւորեր զիս
ընդ իջեալն ՚ի ներքոյ երկրի չարեօք. ամենա-
կալ Տէր՝ թող զմեզս իմ:

Ձի դու Աստուած՝ Աստուած ապաշխարողաց
ես, և յիս ցոյց զբարեբարութիւնդ քո, զի
անարժան եմ. ամենակալ Տէր՝ թող զմեզս իմ:

Կեցուցես զիս ըստ բազում ողորմութեան
քում: և ես օրհնեցից գքեզ զամենայն աւուրս
կենաց իմոց. ամենակալ Տէր՝ թող զմեզս իմ:

Չքեզ Տէր օրհնեն ամենայն զուարթունք
երկնից, և քո են փառք յաւիտեանս. ամէն:

ՍՍ.Ղ.ՄՈՍ ԴԱԻԹԻ

Ողորմեա ինձ Աստուած ըստ մեծի ողորմու-
թեան քում, ըստ բազում գթութեան քում
բաւեան զանօրէնութիւս իմ:

Աւաւել լուս զիս յանօրէնութենէ իմէ, և
՚ի մեղաց իմոց սուրբ արան զիս:

Չանօրէնութիւնս իմ ես ինձէն գիտեմ. և
մեղք իմ առաջի իմ են յամենայն ժամ:

Քեզ միայն մեղայ Տէր. և զչար առաջի քո
արարի:

Որպէս արգար եղիցիս ՚ի բանս քո, և յաղ-
թեացես ՚ի դատին քո:

Անօրէնութեամբ յղացաւ, և ՚ի մեզս ծնաւ
զիս մայր իմ:

Դու Տէր զձշմարտութիւն սիրեցեր զանյայտս
և զճամկեալս իմաստութեամբ քով յայտնեցեր
ինձ:

Տողեա յիս մշտեաւ, և սուրբ եղէց. լուս՝
և քան զձիւն սպիտակ եղէց:

Լսելի արան ինձ Տէր զցնծութիւն և զուրա-

խութիւն, և ցնծասցեն ոսկերք իմ տառապեալք:

Դարձն զերեսս քո՝ ի մեղաց իմոց, և զամենայն անօրէնութիւնս իմ քաւեն յինէն:

Սիրտ սուրբ հաստատեն յիս Աստուած, և հոգի ուղիղ նորոգեն ՚ի փորի իմում:

Մի ընկենուր զիս Տէր յերեսաց քոց, և զհոգի քո սուրբ մի հաներ յինէն:

Տուր ինձ ցնծութիւն փրկութեան. և հոգւով պետութեան քոյ հաստատեն զիս:

Ուսուցից անօրինաց զճանապարհս քո. և ամբարիշտք առ քեզ դարձցին:

Փրկիս զիս յարենէ Աստուած՝ Աստուած փրկութեան իմոյ, ցնծասցէ լեզու իմ յարդարութեան քում:

Տէր, եթէ զչբթունս իմ բանաս, բերան իմ երգէացէ զօրհնութիւնս քո:

Թէ կամեցեալ էիր՝ պատարագս մատուցանէաք, բայց գու ընդ ողջակէզս խակ ոչ հաճեցար:

Պատարագ Աստուծոյ՝ հոգի խոնարհ զսիրտ սուրբ և հոգի խոնարհ Աստուած ոչ արհամարհէ:

Բարի՛ արա Տէր կամօք քովք Սիօնի, և շենեացին պարիսպին Երուսաղէմի:

Յայնժամ հաճեցիս ընդ պատարագս արդարութեան, յորժամ ուխտից պատարագս հանցեն ՚ի սեղան քո զուարակս:

ԵՐԵԿՈՅԵԱՆ ԱՂՕԹՔ:

Ես առ Աստուած կարգացի. և նա լուա ինձ յերեկոյիս՝ ՚ի վաղորդեայն՝ և ՚ի հասարակ աւուր:

Սպասէի Աստուծոյ իմոյ, և ակն ունէի կենարարին, որ փրկէ զճառայս իւր և կեցուցանէ:

Հայր զթաճ՝ բարեխնամօղ՝ արարիչ ամենայն արարածոց, ընկալ զպաղատանս ծառայից քոց ՚ի ժամ երեկոյիս, որ առատօք ես առ ամենսեան՝ պարզեօք բարերարութեան քո: Ողորմեն Տէր ամենայն աշխարհի, և եկեղեցւոյ քում սրբոյ, հիւանդաց, վշտացելոց, ճանապարհորդաց, նաւորդաց, խոստովանողաց, ապաշխարու-

ղաց, և հոգւոյն հանգուցելոց: Զի դու ես Տէր
ամենակալ, գիտես զպէտոս մեր և զկարիս՝
առաւել քան զոր խնդրեմք և իմանամք, և քեզ
ընդ Որդւոյ և ամենարթոյ Հոգւոյդ վայելէ
փառք իշխանութիւն և պատիւ, այժմ և միշտ
և յաւիտեանս յաւիտենից ամէն:

Լուր ձայնից մերոց Տէր Աստուած մեր.
զհամբարձումն ձեռաց մերոց՝ և զբանս աղօթից.
սրբելով զերեկոյի պատարագս մեր ՚ի հոռ-
անուշից՝ ՚ի հաճոյս քեզ պատրաստել: Յաւել ՚ի
մեզ Տէր ամենակալ՝ զհաւատ, զյոյս, զքէր, և
զամենայն գործս առաքինութեան: Որպէս զի
ըստ կամաց քոց բարեսիրաց միշտ կրօնաւո-
րեալք բարեպաշտութեամբ ՚ի տուէ և ՚ի գի-
շերի՝ արժանաւորք եղիցուք յաղագս անձանց
մերոց փրկութեան, և վասն հոգւոր կենացդ
աղաչել զքեզ Տէր, և գտանել ՚ի քէն զշնորհս
և զողորմութիւն. և զոհանալով փառաւորես-
ցուք զչայր և զՈրդի և զսուրբ Հոգիդ. այժմ
և միշտ և յաւիտեանս յաւիտենից ամէն:

Տէր Աստուած մեր՝ դու պահես զմեզ խաղա-
ղութեամբ ՚ի գիշերիս յայսմիկ և յամենայն
ժամանակի: Ընդ սուրբ երկիւղ քո բեւեռալ
պահես զմիտս և զխորհուրդս մեր: Որպէս զի
յամենայն ժամ քե պահպանեալ լիցուք յորո-
գայթից թշնամւոյն: Եւ քեզ հանցուք զօրհ-
նութիւն և զփառս Հօր և Որդւոյ և Հոգւոյն
սրբոյ այժմ և միշտ և յաւիտեանս յաւիտենից
ամէն:

Հրեշտակի խաղաղութեան յանձն արանգան-
ձինս մեր Տէր զօրութեանց, որ եկեալ պահեսցէ
զմեզ անխռովս ՚ի տուէ և ՚ի գիշերի, յարթ-
նութեան և ՚ի հանգստեան մերում. զի դու
ես արարիչ լուսոյ և հաստիչ գիշերի: Եւ այժմ
աղաչեմք զքեզ Տէր Աստուած մեր՝ զհանգիստ
գիշերիս շնորհես խաղաղութեամբ անցուցանել
և հասանիլ ՚ի պաշտօն առաւօտու՝ յերկրպա-
ղութիւն և ՚ի փառաբանութիւն ամենասուրբ
երրորդութեան. այժմ և միշտ և յաւիտեանս
յաւիտենից ամէն:

Չհանգստեան դաղօթս և զպաշտանս ընկալ մարդասէր Աստուած, ՚ի հաճոյս բարերար կամաց քոց: Եւ մեր մեղաց և բաղում յանցանացն թողութիւն շնորհեաւ: Եւ քեզ փառք յաւիտեանս. ամէն:

Փառք քեզ Տէր Աստուած մեր, որ պարգեւեցեր, զօրս զայս բարեաւ և խաղաղութեամբ անցուցանել: Մարդասէր Աստուած, զառաջնկայ գիշերս՝ որ ՚ի վերայ մեր զալոց է, ՚ի մեղաց փրկեաւ, ՚ի չարեաց ազատեաւ, ՚ի գործս բարիս առաջնորդեաւ: Առաւօտու օրհնութեանցն և փառաբանութեանցն արժանի արա զամենայն հաւատացեալս անուանդ քում սրբոյ, և պահեսն ՚ի խաղաղութեան:

Տէր Աստուած մեր, տուր զքո խաղաղութիւնդ ամենայն աշխարհի. բարձ գրասումն և զպատուհասն ՚ի յարարածոց. Ողորմեա հարց և եղբարց մերոց, կենդանեաց և հանգուցելոց: Ողորմեա զեկեղեցի շինողաց, երախտաւորաց, պողատուից, սպասաւորաց, և այնոցիկ՝ որք ընդ հովանեաւ սրբոյ եկեղեցւոյ են հանգուցեալ:

Տէր Աստուած, օգնեաւ թագաւորաց քրիստո-

նէից, և իշխանացն բարեպաշտից. զօրաց և զաւակաց նոցին՝ պահելով ՚ի խաղաղութեան:

Տէր Աստուած մեր, պահեսն զառաջնորդս և զեղբայրութիւնս մեր ամբողջ և անխռով ՚ի կամս ողորմութեան քոց:

Նշանաւ սուրբ և պատուական խաչի քո հալածեալ զերեւելի և զաներևոյթ թշնամին ՚ի սահմանաց մերոց և ՚ի բնակութենէս մերմէ: Փրկեաւ զմեզ ՚ի հրոյն յաւիտենից: Եւ քեզ փառք յաւիտեանս ամէն:

ԱՂՕԹՔ ՏԵԱՌՆ ՆԵՐՍԻՍԻ:

Հաւատով խոստովանիմ և երկիրպագանեմ քեզ, Հայր՝ և Որդի՝ և սուրբ Հոգի. անեղ և անմահ ընութիւն, արարիչ հրեշտակաց և մարդկան և ամենայն եղելոց, ողորմեա քո արարածոց և ինձ բազմամեղես:

Հաւատով խոստովանիմ և երկիրպագանեմ քեզ՝ անբաժանելի լոյս միասնական սուրբ երրորդութիւն և մի Աստուածութիւն, արարիչ լուսոյ և հալածիչ խաւարի. հալածեա ՚ի հոգւոյ իմմէ զխաւար մեղաց և անպիտութեան. և

լուսաւորեան զմիտս իմ՝ ի ժամոյս յայսմիկ՝ աղօթել քեզ ի հաճոյս և ընդունել ի քէն զլընդ-րուածս իմ: և ողորմեան քո արարածոյ և ինձ բազմամեղիս:

Հայր երկնաւոր Աստուած ճշմարիտ, որ առաքեցեր զՈրդիդ քո սիրելի ի խնդիր մոլորեալ ոչխարին. մեղայ յերկինս և առաջի քո, ընկալ զիս որպէս զանառակ որդին, և զգեցո՛ ինձ զպատու՛ածանն զառաջին, զոր մերկացայ մեղօք. և ողորմեան քո արարածոյ՝ և ինձ բազմամեղիս:

Որդի Աստուծոյ Աստուծ ճշմարիտ, որ խոնարհեցար ի հայրական ծոցոյ, և առերմարմին ի սրբոյ կուսէն Մարիամայ. վասն մերոյ փրկութեան, խաչեցար՝ թաղեցար՝ և յարեար ի մեռելոց, և համբարձար փառօք առ Հայր. մեղայ յերկինս և առաջի քո. յիշեան զիս որպէս զաւազակն, յորժամ գաս արքայութեամբ քով. և ողորմեան քո արարածոյ և ինձ բազմամեղիս:

Հօգի Աստուծոյ Աստուած ճշմարիտ, որ իջեր ի Յորդանան և ի վերնատունն, և լուսաւորեցեր զիս մկրտութեամբ սուրբ աւազանին մե-

ղայ յերկինս և առաջի քո. մաքրեայ զիս վերջախն Աստուածային հրով քով, որպէս հրեղէն լեզուօք զառաքեալսն. և ողորմեան քո արարածոյ և ինձ բազմամեղիս:

Անեղ ընութիւն, մեղայ քեզ մտօք իմովք, հոգւով և մարմնով իմով. մի յիշեր զմեղս իմ զառաջինս՝ վասն անուանդ քում սրբոյ. և ողորմեան քո արարածոյ և ինձ բազմամեղիս:

Տեսող ամենայնի, մեղայ քեզ խորհրդով, բանիւ և գործով. ջնջեա զձեռագիր յանցանաց իմոց, և գրեա զանուն իմ ի դպրութեան կենաց. և ողորմեան քո արարածոյ և ինձ բազմամեղիս:

Քրինօղ զաղանկաց, մեղայ քեզ կամայ և ակամայ, զխտութեամբ և անգիտութեամբ. թողութիւն շնորհեան մեղաւորիս. զի ի ծննդենէ սուրբ աւազանին մինչև ցայսօր մեղուցեալ եմ առաջի Աստուածութեանդ քոյ՝ զգայարանօք իմովք, և ամենայն անդամօք մարմնոյս. և ողորմեան քո արարածոյ և ինձ բազմամեղիս:

Ամենախնամ Տէր, զիբ պահապան աչաց իմոց զերկիւղ քո սուրբ՝ ոչ ևս հայել յարատ. և

ականջաց իմոց ոչ ախորժել լսել զբանս չարութեան. և բերանոյ իմոյ ոչ խոսիլ զստութիւն. և սրտի իմոյ ոչ խորհիլ զչարութիւն. և ձեռաց իմոց ոչ գործել զանիրաւութիւն. և ոտից իմոց ոչ գնալ ՚ի ճանապարհս անօրէնութեան. այլ ուղղեան զչարժումն սոցա լինիլ միշտ ըստ պատուիրանաց քոց յամենայնի. և ողորմեան քո արարածոց և ինձ բազմամեղիս:

Հուր կենդանի Քրիստոս, զհուր սիրոյ քո զոր արկեր յերկիր՝ բորբոքեան յանձն իմ. զի այրեսցէ զախտ հոգւոյ իմոյ. և սրբեսցէ զեկեղծ մտաց իմոց. և մտքրեսցէ զմեղս մարմնոյ իմոյ. և վառեսցէ զըլոս գիտութեան քոյ ՚ի սրտի իմում. և ողորմեան քո արարածոց և ինձ բազմամեղիս:

Իմաստութիւն Հօր Յիսուս, տուր ինձ զիմաստութիւն զբարիս խորհիլ և խօսիլ և գործել առաջի քոյ յամենայն ժամ. ՚ի չար խորհրդոց՝ ՚ի բանից և ՚ի գործոց վրկեան զիս. և ողորմեան քո արարածոց և ինձ բազմամեղիս:

Կամեցող բարեաց Տէր կամարար, մի թողուր զիս ՚ի կամս անձին իմոյ գնալ. այլ առաջ

նորդեան ինձ լինել միշտ ըստ կամաց քոց բարեսիրաց. և ողորմեան քո արարածոց և ինձ բազմամեղիս:

Աբբայ երկնաւոր, տուր ինձ զարքայութիւն քո՝ զոր խոստացար սիրելեաց քոց. և զօրացո՞ զսիրտ իմ՝ տակ զմեղս, և սիրել զքեզ միայն, և առնել զկամս քո. և ողորմեան քո արարածոց և ինձ բազմամեղիս:

Խնամօղ արարածոց, պահեան նշանաւ խաչի քո զհոգի և զմարմին իմ՝ ՚ի պատրանաց մեղաց, ՚ի փորձութեանց դիւաց, և ՚ի մարդոց անիրաւաց, և յամենայն վտանգից հոգւոյ և մարմնոյ. և ողորմեան քո արարածոց և ինձ:

Պահապան ամենայնի Քրիստոս, աջ քո հովանի լիցի ՚ի վերայ իմ՝ ՚ի տուէ և ՚ի գիշերի՝ ՚ի նստիլ ՚ի տան, ՚ի գնալ ՚ի ճանապարհ, ՚ի ննջել և ՚ի յառնել, զի մի՛ երբէք սասանեցայց. և ողորմեան քո արարածոց և ինձ բազմամեղիս:

Աստուած իմ, որ բանաս զձեռն քո, և ընու զամենայն արարածս ողորմութեամբ քով, քեզ յանձն առնեմ զանձն իմ. դու հոգան և պատրաստեան զպէտս հոգւոյ և մարմնոյ իմոյ յայտմ

հեռէ մինչև յաւիտեան. և ողորմեան քո արարածոց և ինձ բազմամեղիս:

Դարձուցիչ մոլորելոց, դարձն զիս ՚ի չար սովորութեանց իմոց ՚ի բարի սովորութիւն. և բեւեռեան ՚ի հոգի իմ զսոսկալի օր մահուն՝ և զերկիւղ զեհնոյն՝ և զտէր արքայութեանն. զի զԳՂացոյց ՚ի մեղաց, և զործեցից զարդարութիւն. և ողորմեան քո արարածոց և ինձ:

Աղբիւր անմահութեան, աղբերացո՞ն ՚ի սրտէ իմմէ զարաստուս ապաշխարութեան որպէս պոռնրկին, զի լուացից զմես անձին իմոց յառաջ քան զերանեկն իմ յաշխարհէս. և ողորմեան քո արարածոց և ինձ բազմամեղիս:

Պարզեւիչ ողորմութեան, պարզեան ինձ ուղղափառ հաւատով՝ և բարի գործով՝ և սուրբ մարմնոց և արեան քո հաղորդութեամբ զալ առ քեզ, և ողորմեան քո արարածոց և ինձ:

Բարերար Տէր, հրեշտակի բարոյ յանձն արասցես զիս՝ քաղցրութեամբ աւանդել զհոգի իմ, և անխռով անցուցանել ընդ չարութիւն սյսոցն՝ որք են ՚ի ներքոյ երկնից. և ողորմեան քո արարածոց և ինձ բազմամեղիս:

Լոյս ճշմարիտ Քրիստոս, արժանաւորեա զհոգի իմ ուրախութեամբ տեսանել զլոյս փառաց քոց ՚ի կոչման աւուրն. և հանգչել յուսով բարեաց յօթեանս արդարոց մինչև յօր մեծի զալստեան քոց. և ողորմեան քո արարածոց և ինձ բազմամեղիս:

Դատաւոր արդար յորժամ գաս փառօք Հօր գատել զկենդանիս և զմեռեալս, մի՛ մտաներ ՚ի դատաստան ընդ ծառայի քում: այլ փրկեան զիս ՚ի յաւիտենական հրոյն. և լսելի՛ արա ինձ զերանաւէտ կոչումն արդարոց յերկնից արքայութիւնդ. և ողորմեան քո արարածոց և ինձ բազմամեղիս:

Ամէնողորմ Տէր, ողորմեան ամենայն հաւատացելոց ՚ի քեզ, իմոց և օտարաց, ծանօթից և անծանօթից, կենդանեաց և մեռելոց. շնորհեան և թշնամեաց իմոց և ատելեաց զթողութիւն՝ որ առիս յանցանաց, և դարձն զնոսա ՚ի չարեացն՝ զոր ունին վասն իմ, զի ողորմութեան քում արժանի եղեցին. և ողորմեան քո արարածոց և ինձ բազմամեղիս:

Փառաւորեան Տէր, ընկալ զաղաչանս ծառայ

յիս քո. և կատարեան ՚ի բարի զինգրուածս իմ բարեխօսութեամբ սրբուհւոյ Աստուածածնին, և Յովհաննու Մկրտչին, և սրբոյն Ստեփաննոսի նախավկային, և սրբոյն Գրիգորի մերոյ կուսաւորչին. և սրբոց Առաքելոց, Մարգարէից, Վարդապետաց, Մարտիրոսաց, Հայրապետաց, ձգնաւորաց, Կուսանաց, Միանձանց, և ամենայն սրբոց քոց երկնաւորաց և երկրաւորաց: Եւ քեզ փառք և երկրպագութիւն անբաժանելի սուրբ Երրորդութեանդ՝ յաւիտեանս յաւիտեանից. ամէն:

Ե Ր Գ Ք:

ԵՐԳ ԳԻՇԵՐԱՅԻՆ ԺԱՄՈՒ:

Առաւօտ լուսոյ, արեգակն արդար, առիս լոյս ծագեան: Բղխումն ՚ի հօրէ, բղխեան ՚ի հողոցս բան քեզ ՚ի հաճոյս:

Գանձդ ողորմութեան, զանձիդ ծածկելոյ զառոյ զիս արա: Իռուան ողորմութեան, զաւանողիս բաց, զասեցն վերնոցն.

Երբեակ միութիւն, եղելոց խնամող, և ինձ ողորմեան: Զարթիր Տէր յօգնել, զարթն զթրմբեալս. զուարթնոց նմանիլ:

Էդ հայր անսկիզբն, էակից որդի, է միշտ սուրբ հողի. Ընկալ զիս զթած, ընկալ ողորմած, ընկալ մարդասէր:

Թագաւոր փառաց, թողութեանց տուող, թող ինձ զյանցանս: Ժողովող բարեաց, ժողովեա և զիս ժողովս անդրանկաց:

Ի քէն Տէր հայցեմ ՚ի մարդասիրէդ ինձ բժշկութիւն: Լեր կեանք մեռելոյս, լոյս խաւարելոյս, լուծանող ցաւոյս:

Խորհրդոց զխող, խաւարիս շնորհեան խորհուրդ լուսաւոր: Ծնունդ հօր ծոցոյ, ծածկելոյս սուռերաւ ծագեան լոյս փառաց:

Կենարար փրկիչ, կեցն զմեռեալս, կանդնեան զզրորեալս: Հաստեան հաւատով, հաստատեալս սով, հիմնեցն սիրով:

Զայնիւս աղաչեմ, ձեռօքս պաղատիմ, ձիր բարեաց շնորհեան: Աամբարամբ լուսոյ, զեկափար ձարտար, զողեալս ամրացն:

Ճառագայթ փառաց, ճանապարհ ինձ ցոյց

Ճեպել ՚ի յերկինս: Միածինդ հօր, մոյձ զիս
յառագաստ մաքուր հարսանեացդ:

Յորժամ գաս փառօք յահագին աւուրն,
յիշեան զիս Քրիստոս: Նորոգող հնութեանց,
նորոգեան և զիս, նորոգ զարդարեան:

Ենորհատու բարեաց, շնորհեան զքաւութիւն.
Շնորհեան զթողութիւն: Աւրախացո՛ Տէր ողոյս
փրկութեամբ, որ վասն եմ ՚ի սուգ:

Չար մշակողին, չար սերմանց նորին չորացո
յգտուղն: Պարզելի բարեաց, պարզեան իմոց
պարտեացս թողութիւն:

Չուր շնորհեան աչացս, ջերմ հեղուլ զար-
տօսք, ջնջել գյանցանս: Աետինդ քաղցու,
աամ հողոյս արրո՛, աահ ցոյց ինձ լուսոյ:

Սէր անուն Յիսուս, սիրով քով ճմեան սիրտ
իմ քարեղէն: Վասն զթութեան, վասն ողոր-
մութեան, վերստին կեցո՛:

Տենչալոյդ տեսեամբ տուր ինձ յազենալ.
Տէր Յիսուս Քրիստոս: Բարունդ երկնաւոր, բու-
տեան զաշակերաս բամից երկնայնոց:

Յող արեան քո Տէր, ցօղեան ՚ի հողիս. ցրն-
ծացե անձն իմ: Ելե՛ծեալս մեղօք, լի՛ծեալ
աղաչեմ լիւսել ինձ բարի:

Փրկիչ բողոքից, փութան զիս փրկել փորձու-
թեանց մեղաց: Քաւիչ յանցանաց, քաւեան
գորհնարանս քեզ երգել զփառս:

Աստուածածնին բարեխօսութեամբն՝ յիշեան
Տէր և ողորմեան:

ՀՐԵՇՏԱԿԱՅԻՆ ԵՐԳ Ի ԾՆՈՒՆԳԻՆ ՔՐԻՍՏՈՍԻ:

Փառք ՚ի բարձունս Աստուծոյ, և յերկիր
խաղաղութիւն, ՚ի մարդիկ հաճութիւն: Եւ օրհ-
նութիւն քեզ ՚ի բարձունս. օրհնեալ ես Տէր
Աստուած մեր. օրհնեմք զքեզ և գովեմք զքեզ:
Խոստովանիմք Տէր զքեզ. և երկիրպագանեմք
քեզ. փառաւորեմք զքեզ. գոհանամք Տէր զքեզ
վասն մեծի փառաց քոց: Տէր թաղաւոր սուրբդ
երկնային Աստուած և հայր ամենակալ: Տէր և
Որդի Հօր միածին Յիսուս Քրիստոս և սուրբ
Որդի: Տէր Աստուած գառն Աստուծոյ և Որդի
Հօր, որ առեր զմերս ՚ի կուսէն. ողորմեցար,
բարձեր զմեզս աշխարհի: Եւ արդ ընկալ զա-
ղաչանս մեր. սուրբդ որ նստիս ընդաջմէ Հօր՝
ողորմեեաց մեզ: Զի դու միայն սուրբ, դու միայն
բարձրեալ ես, դու միայն Տէր մեր Յիսուս Քրիս-

տոս: Տէր և Հոգիդ սուրբ, որ ՚ի փառս Աստուած ընդ Հօր. ամէն:

Եւ յամենայն ժամ օրհնեմք զքեզ, Տէր, և զովեմք զանուն սուրբ քո, յաւիտեան և յաւիտեանս յաւիտենից: Արժանի արա Տէր զօրս զայս խաղաղութեամբ, և առանց մեղաց պահեա զմեզ: Օրհնեալ ես Տէր Աստուած հարցն մերոց, զովեալ և փառաւորեալ է անուն սուրբ քո յաւիտեանս ամէն: Օրհնեալ Տէր, ուսո՛ ինձ զարդարութիւնս քո. երկն՝ ինչե՛տ, Տէր ապաւէն եղեր մեր յազգէ յազգ: Ես աղաչեմ Տէր ողորմեա ինձ. և բժշկեան զանձն իմ. ես մեղայ քեզ: Յոյց մեզ Տէր զողորմութիւնս քո. և զփրկութիւնս քո տուր մեզ: Տէր ողորմութիւն քո յաւիտեան. զգործս ձեռաց քոց մի՛ անտես առներ: Տէր իմ զքեզ ապաւէն ինձ արարի. ուսո՛ ինձ առներ զկամս քո, զի դու ես Աստուած իմ: Ի քէն է Տէր աղբիւր կենդանութեան, և լուսով երեսաց քոց տեսանեմք զլոյս: Ծագեա զողորմութիւնս քո, որք ճանաչեն զքեզ Տէր:

ԵՐԳ ԽԱՅԻ:

Խաչի քո Քրիստոս երկիրպագանեմք, և զսուրբ Խաչելութիւնդ քո մեծացուցանեմք, և զսուրբ Յարութիւնդ քո փառաւորեմք: Եկայք հաւատացեալք երկիրպագեսցուք Քրիստոսի Աստուծոյ մերոյ. վասն զի եկն ՚ի ձեռն Խաչին իւրոյ շնորհեաց պարգևս աշխարհի: Սուրբ Աստուած, սուրբ և հզօր, սուրբ և անմահ, որ խաչեցար վասն մեր, ողորմեան մեզ:

Փառք սուրբ Խաչիդ այլելուիա, սուրբ մատնութեանդ այլելուիա, չարչարանացդ այլելուիա, խաչելութեանդ այլելուիա, սրբոյ թաղմանդ այլելուիա, սուրբ յարութեանդ այլելուիա:

Փառք երկրպագութիւն Հօր և Որդւոյ և Հոգւոյն սրբոյ. այժմ և միշտ և յաւիտեանս յաւիտենից. ամէն:

ԵՐԳ ԱԶԳԱՅԻՆ ՄԱՂԹԱՆԱՅ:

Արի Աստուած հարցն մերոց,
Որ ապաւէնդ ես նեղելոց,
Հաս օգնութիւն ծառայից քոց,
Լեր օգնական ազգիս Հայոց:
Տէր ողորմեա, Տէր ողորմեա, Տէր ողորմեա:

333

Միջնորդութեամբ սրբոյ խաչիդ
 Եւ անարատ սուրբ ճնոցիդ,
 Յիշեա զհեղումն արեան Փրկչիդ,
 Եւ ՚ի ինդիր փոքու հօտիդ:
 Տէր ողորմեա, Տէր ողորմեա, Տէր ողորմեա:

Զի գիտացաք մեք հաւատեալս:
 Որ չափ մեղաց մերոց լցաւ:
 Ուստի Տէրդ մեր բարկացաւ,
 Առ ՚ի խրատել զմեզ զարթեալս:
 Տէր ողորմեա, Տէր ողորմեա: Տէր ողորմեա:

Արդ անկանխմբ առաջի քոյ,
 Գոչեմբ մեղայ Տեառնդ մերոյ,
 Դարձն ՚ի մէնջ զցատումն քո,
 Վասն անսպառ զթութեան քոյ:
 Տէր ողորմեա, Տէր ողորմեա, Տէր ողորմեա:

Ի քէն հայցեմք մեզ օգնութիւն,
 Ամենասուրբ Երրորդութիւն,
 Տուր աշխարհիս խաղաղութիւն.
 Քրիստոնէից հաստատութիւն.

3353

ՅԱԽԵԼՈՒԱԾ:

ԱՂՕԹՔ ՅԱՌԱՋ ՔԱՆ ԶԴԱՍԱՌՈՒԹԻՒՆ:

Ամենաբարի Աստուած, առաքեալ առ մեզ
 զշնորհս Հոգւոյդ քո սրբոյ, որ պարգեւէ մեզ
 զմիտս և կազդուրէ զզօրութիւնս հոգւոց մերոց.
 որպէս զի մեք ընդունելով զաւանդեալ մեզ
 ուսմունս՝ զարդասցուք քեզ Ստեղծողիդ մե-
 բում ՚ի փառս, ՚ի մխիթարութիւն ճնողաց
 մերոց և յօգուտ Եկեղեցւոյ և Հայրենեաց:

Միշտ Ե՛գ ինքնաբուն, ինքնազօր Աստուած,
 Դու Տէր՝ Տնօրէն Հայր հանուրց ազգաց,
 Կաթեան կաթիլ մի յանդ մերոց մտաց,
 Ի Քոց յանսպառ երկնաձիր շնորհաց,
 Որով զարգացեալ ՚ի հրահանգս ուսմանց,
 Մատուցուք Քեզ, Տէր, պաշտօն զեանամած:

ԶԿՆԻ ԴԱՍԱՌՈՒԹԵԱՆ:

Գոհանամք զքէն Արարիչ, զի արժանի
 արարեր զմեզ շնորհաց քոց՝ ընդունելութեան
 ուսմանս. որհնեալ զմեծաւորս, զճնողս և զու-
 սուցիչս մեր, որք առաջնորդեն մեզ ՚ի զխառ-

Թիւն բարութեան, և տուր մեզ զկարողու-
թիւն ՚ի շարունակութիւն ուսմանս այտորիկ:

Փառք Քեզ Բարձրեալ Աստուած երկնաւոր:
Քեւ հրճուին միտք մեր, քեւ մեր սիրտք բոլոր:
Դու միայն Հաստիչ մշանջնաւոր:
Ձեք մեր այլ Աստուած, Դու միայն Հօր:
Ըզ Քեզ ո՞ ետես... այլ մեք ճանաչեմք,
Ձի ՚ի քէն եղաք, Քե կամք, Քե շնչեմք,
Առանց Արարիչդ խնամոյ ոչինչ եմք...
Պահեան զմեզ, Տէր, զՔեզ աղաչեմք:

ՏԱՍՆ ՊԱՏՈՒԻՐԱՆՔ

Ես եմ Տէր Աստուած քո. մի ունիցիս քեզ
զայլ աստուած բաց յինէն:

Մի արացես քեզ զկուռս ըստ ամենայն
նմանութեան, որ ինչ յերկինս ՚ի վեր, և որ
ինչ յերկիր ՚ի խոնարհ:

Մի առնուցուս զանուն Աստուծոյ քո ՚ի
վերայ սնտեաց:

Յիշեանորբել զօր շարաթուն ցնոսս զկիւրակէս:

Պատուեան զհայր քո և զմայր քո, զի բարի
լինիցի քեզ և երկայնակեաց լիցիս ՚ի վերայ երկրի:

Մի սպանաներ:

Մի շնար:

Մի գողանար:

Մի սուտ վկայէր զընկերէ քումմէ:

Մի ցանկանար տան ընկերի քո, և մի ա-
մենայնի, որք նորա լիցեն:

ՄԱՂԹԱՆՔ ՄԱՆԿԱՆՅ:

Կարդամ առ քեզ Աստուած՝ հայր,
Ուսեալ յՈրդւոյդ Միածնէ,
Որպէս խրատեաց և իմ Մայր,
Ի սնունդ հոգւոյս ՚ի ծընէ:

Հայր բնակիս ՚ի բարձունս,
Պատեալ աթոռդ զուարթնովք.
Բարեբանիս յերգս քաղցունս
Ջերմ ՚ի թախանձս երկրայնովք:

Սուրբ է անունդ, մեծ յաւէտ
Քաղցր, ահաւոր և հօր.
Անձառ, աներբ և անկէտ՝

Օրհնեալ Հայր մեր երկնաւոր:

Գործ են ձեռացդ տիեզերք,
Արքայութիւնդ անբսպառ,

Եւ ընդ ոտիւք քո եթերք
Վեհ մեծութեանդ ցոյց պայծառ:

Երկինք և երկիր քո բանիւ
Եղեն և կան հաստատուն,
Անփոխ նոցայն զարթք անթիւ
Պահին կամօքդ իմաստուն:

Լի է աշխարհ համօրէն
Բարեօք քո՝ Տէր բարերար.
Զքեզ զովն և օրհնեն
Ամէն, զոր աջ քո արար:

Ողջ եղելով Դու ես յոյս,
՚ի քեզ հային աչք համբուն.
Դու բաշխես մեզ զպիտոյս
Տէր խնամակալ կեանս ՚ի բուն:

Թռչունք, կայտառք, և զեռունք,
Սողունք ՚ի ծով ՚ի ցամաք,
Նոյն կենդանիք՝ անասունք
Յազին խնամօք քո համակ:

Բնութիւն համայն քե աճի,
Երկիր պճնի պողաւէտ.
Չեն մեծ ինչ քո առաջի
Հրաշալիցս՝ արարք ՚ի մեր պէտ:

՚ի քո պարզեւս այսպէս՝ Տէր,
Առ հասարակ վայելէն
Անհատ, սնդուլ, անտարբեր՝
Որոց որչափ վայել են:

Յայսմ խնամօցդ ՚ի խրախճան
Տաս կարիս և ինձ մանկան
Թարց վաստակոց և անջան՝
Որչափ իմ սիրտ, միտք ցանկան:

Ուստի թոթով ես ՚ի բան
Առ քեզ մաղթեմ Հայր պաշտպան,
Լուր աղօթիցս, ով զթաճ
Լուր, աղաչեմ, առ իս դարձ:

Լուր աղերսիցս ՚ի բարձանց,
Խառն ընդ երգոց անմարմնոց,
Ընկալ զիմ ջերմ զթախանձ՝
Տէր իմ՝ անհատ բարեաց ծոց:

Ուխտ իմ սրտի եռանդուն,
Չէ վասն և եթ իմ անձին,
Մաղթեմ ՚ի պէտս ես համբուն
Արարածոց առանձին,

Տուր՝ Տէր, զկարիս աղքատաց,
Եւ զհայցուածս կարօտից,

Քրոյժ ցաւոց հիւանդաց,
 Եւ նեղելոց գիւր սրտից:
 Տնւր զբարիս թնամեաց,
 Զազատութիւն գերելոց,
 Տուր թողութիւն ատելեաց՝
 Զարեաց առ իս մեղելոց:
 Օգնեան որբոց և այրեաց,
 Տնւր միշտ նոցա զպիտոյս.
 Տնւր զօրութիւն տրկարաց,
 Մոլորելոց մտաց լոյս:
 Տնւր տրամելոց մխիթար,
 Զանվըղով միտս՝ թարց ցաւոց.
 Ծովաչուած զանվըթար
 Զելս յաջողակ՝ զերծ հոգոց:
 Ենորհեան հանգիստ, կեալ խաղաղ
 Արարածոց յամէն ուր,
 Բարձ յամենից կամս զանդաղ
 Զարեաց մեղաց զմրուր:
 Տնւր և սէր միաբան
 Հայկայ ազգիս հէք թշուառ,
 Լեր նմա միշտ պահապան
 Քթով շնորհացդ անըսպառ:



Օգնեալ յուսով, հաւատով
 Ունիլ միշտ սուրբ զկրօն,
 Պահեան ՚ի նոյն անվըղով,
 Մտօք զգասա և զգօն:
 Պահեան հեռի յաղանդոց,
 Բարեաց ՚ի գործս անսոյթաբ:
 Անդեղջ ՚ի հնոց աւանդոց՝
 Հարց պանծալեաց հանգիտակ:
 Հեղ զուղղութեան ձիրս ՚ի նա
 Զեռանգնտո միտս և զոգի,
 Տնւր սերտ սիրով յարամնայ
 Կանգիլ ՚ի մի սիրտ, հոգի:
 Չամենեսին զօրացո՛
 Իմաստնացո՛ և օրհնեան,
 Պատուարեան և կեցո՛
 Ի վտանգից ազատեան,
 Լուր ճէր, հայեաց, քոյ է նա
 Նախկին բաժին և վիճակ.
 Մի մոռանար դու զնա
 Արան շնորհացդ ընդունակ:
 Տէր զօրութեանց, դարձ հայեաց
 Յերկնից և տես, այց արա



Այգւոյս, զոր աջ քո անկեաց,
Դու միայն ես Տէր սորա:

Դարձ գթութեամբ, Տէր Աստուած,
Դարձո՞ն նրմա զմեզմ գարուն,
Տուր վառեալ քե վարդեկաց
Պճնիլ ՚ի զարդ պատառուն:

Ծագեան զարեզ կենսածին,
Ձի սերմունք յայս քո այգւոջ
Աճցին, բերցեն զնախկին
Հաճոյ աչացդ զբողբոջ:

Եարժեաց ՚ի դուք Աստուած մեր՝
Տուր վայելել վերստին
Ձնախնի գարուն բարեբեր
Քո բանաւոր փոքր հօտին:

Զայնիւ սրտիս անմուռնչ
Ա.ս. քեզ գոչեմ, Հայր իմ արդ
Ընկալ զայս իղձ, զայս միմունջ
Ի մանկանէս մեղապարա:

Դու ես մեր Տէր օգնական,
Դու ե մեր յոյս, սպաւէն.
Քեզ գոհութիւն օրհնարան
Այժմ ե յապայն միշտ ամէն:



Գինն է ՚ հոգի

Վամարով անողնեքին պիտմն կ'լնի.



